

劍州志卷之二十四

州牧桂林李梅賓纂修

宜賓楊端編輯

詩銘

晉

劍閣銘

張載

巖巖梁山積石峩峩遠連荆衡近綴岷峨南通邛夔北達褒斜狹過彭碣高踰嵩華惟蜀之門作固作鎮是曰劍閣壁立千仞窮地之險極地之峻世濁則逆

劍州志

詩銘

道清斯順閉由徃漢開自有晉秦得百二弁吞諸侯齊得十二田生獻籌矧茲狹隘土之外區一人荷戟萬夫趨趨形勝之地匪親勿居昔有武侯中流而喜山川之固見屈吳起洞庭孟門二國不祀興實在德陰亦難恃自古及今天命不易憑阻作昏鮮不敗績公孫既沒劉氏啣壁覆車之軌無或垂跡勒銘山阿敢告梁益

唐

幸蜀西至劍門

玄宗皇帝

帝幸蜀至劍門，願請侍臣曰：劍閣天險若此，自古及今，敗亡相繼，豈非在德不在險耶？因

駐驛題詩

劍閣橫雲峻，巖與出符回。翠屏千仞合，丹障五丁開。
灌木縈旗轉，仙雲拂馬來。乘時方在德，嗟爾勒銘才。

劍閣賦

李白

咸陽之西，直望五千里。見雲峯之崔嵬，前有劍閣橫
斷，倚青天而中開。上則松風蕭颯，瑟颺有巴猿兮在
哀。旁則飛湍走壑，灑石噴閣，洶湧而驚雷。送佳人兮
此去，復何時兮歸來。望夫君兮安極，我沉吟兮歎息。

劍州志

詩餘

二

視滄波之東注，悲白日之西匿。鴻別燕兮秋聲，雲愁
秦而曠色。若明月出於劍閣兮，與君兩相鄉。對酒而
相憶。

蜀道難

李白

噫吁戲，危乎高哉！蜀道之難，難於上青天。蠶叢及魚
鳧，開國何茫然。爾來四萬八千歲，不與秦塞通人烟。
西當太白有鳥道，可以橫絕峨眉巔。地崩山摧壯士
死，然後天梯石棧相鈎連。上有六龍迴日之高標，下
有衝波逆折之流川。黃鶴之飛尚不得過，猿猱欲度

愁攀援青泥何盤盤，百步九折繁岩巒。捫參歷井仰
脅息，以手撫膺坐長嘆。問君西遊何時還，畏途巉巖
不可攀。但見悲鳥號古木，雄飛從雌繞林間。又聞子
規啼夜月，愁空山。蜀道之難難於上青天，使人聽
此凋朱顏。連峯去天不盈尺，枯松倒掛倚絕壁。飛湍
瀑流爭喧豗，砢巖轉石萬壑雷。其險也如此，嗟爾遠
道之人，胡爲乎來哉！劍閣崢嶸而崔嵬，一夫當關，萬
夫莫開。所守或匪人，化爲狼與豺。朝避猛虎，夕避長
蛇。磨牙吮血，殺人如麻。錦城雖云樂，不如早還家。蜀

劍州志

詩銘

道之難難於上青天，側身西望長咨嗟。

劍門銘

李德裕

羣山西來，波積雲屯。地險所會，斯爲蜀門。層岑峻壁，
森若戈戟。萬壑奔東，雙飛高關。翠嶺中橫，黯然黛色。
樹若旌旆，以衛王國。

劍門詩

惟天有設險，劍閣天下壯。連山抱西南，石角皆北向。
兩崖崇墉倚，刻畫城郭狀。一夫怒臨關，百萬未可傍。
珠玉走中原，岷峨氣懷愴。三皇五帝前，雞犬莫相放。

後王尚柔遠，職貢道已幾。至今英雄人，高視見霸王。
斧吞與割據，極力不相讓。吾將罪直宰，意欲鏹巽嶂。
恐此復偶然，臨風默惆悵。

前題

李白

征塵輕拂建章臺，聖主西遊蜀道來。劔壁門高五千
丈，石爲樓閣九天開。

前題

李德裕

奇峰百仞縣，清眺出嵐烟。迥若戈回日，高疑劔倚天。
參差霞壁聳，合沓翠屏連。想是三刀夢，森然在目前。

劔州志

詩錄

四

前題

李商隱

峻壁橫空限一隅，劃開元氣建洪樞。梯航百貨通邦
計，鑿閉諸蠻屏帝都。西蹙犬戎威北狄，南吞荆郢制
東吳。千年管鑰誰鑿範，只自先天造化爐。

宋

題劔門

周惇頤

劔立溪峯信險深，吾皇大道當天心。百年外戶都無
閉，空有關名典貢琛。

前題

趙抃

倚劍峯巒插太虛，高門中闕限坤隅。奸雄莫謂關防險，一百年來自坦途。

兩過劍門

陸放翁

衣上征塵雜酒痕，遠遊何處不消魂。此身合是詩人未，細雨騎驢入劍門。

宿武連驛

陸放翁

平日功名浪自期，頭顱到此不難知。宦情薄似秋蟬翼，鄉夢多如春繭絲。野店風霜趣裝是，縣橋燈火下程遲。寒鞭慰手戎衣窄，忽憶南山射虎時。

劍州志

詩銘

五

漢中行 缺

黃裳

漢中沃野如關中，四五百里烟濛濛。黃雲連天夏麥熟，水稻漠漠吹秋風。七月八月穠稔紅，一家徃徃收千鍾。行人歎息風土好，居人生計何草草。草老翁扶杖泣我前，此事何堪與君道。君不見，十萬如龜豕，椎牛醞酒不得飽。休，場雖滿

眼十有八九歸

米更和糴

顆粒

無乾饑

雖食我肉不敢言

馬如

雲動

民間口邊奪食與馬

馬飽

明知但吁嘆，百姓俛首當攬。

村落蕭條往來絕，君莫問我。

言眼流血似聞今年春，關外四五州。

歲饑人無食，餓者頗亦稠。蕃人欲寇邊，此事信有不
時。余苟如此，人生不如死。死即萬事休，生則何時已。
語多情極，辭轉哀。野風颯颯吹黃埃，荒村相對兩鳴
咽。收淚問我何方來，作官騎馬不易得。具與天子憐
嬰孩，老翁已老死，不惜家有兒孫方戢戢。願君富貴
為愛惜，莫教還似翁今日。

劍州志

詩銘

六

罷糶行有序

黃裳

裳癸巳歲遊漢中，聞民間病和糶久矣。而在位諸
公未有一語及之者，嘗賦一詩，謂之漢中行。極言
其事，其末云：願公富貴為愛惜，莫教還似翁今日。
蓋有所諷也。屬聞總領大卿慨然起罷糶之請，行
之一年，其效遂白。裳感歎之餘，因記憶舊詩所謂
漢中行者，續賦一篇，云罷糶行，二詩蓋相為表裡。
漢中行雜於諷，而罷糶行顯於美也。諷刺頌美古
詩之遺意，雖聖人不廢，用是敢賦諸下執事。

蓬頭八月秋四熟南村北
夜春夢人平市丁雙
輪載未入塲
輾輾官置斗斛人自具
市何自與野
低昂得錢却載車上去
出門掉臂歸
知老公
笑且語
大兒歸歌小兒無
門吹罷
年輪難若
田頭刈禾人
歸家已打
和糴
強取使我父子長
本仇今年官糶
糶米
未得錢
固其理
力唯衆議改
法
即中人
小
無方
天公但願穀
年年豐
年年與官足
食
三軍
乞食
秋風
即日
坐天子側
吏與小民
讀

劍州志



詩銘

休戚莫使明年復
開
老翁
遠作
前年
泣

故侍讀黃公挽詩

卷一節

西南人物早推先
踐華途舉望全
朱印談經忠貫
口黃犀批
羽
回天
王素學
真無負
憂國
沉疴竟
莫
初
取
辜
求
以
意
忽
觀
遺
事
照
青
編

歸航
僅得拜
平
五
輻
真
淳
風
三
三
朝
雙劍
高
冬
介
元
厚
道
有

天
知
哀
鴻
目
擊
走
公
塚
埋
玉
臨
風
江
滿
屋

前題

家誠之

經學淵源貫古今，三朝便結眷知深。功名盖世十年事，忠義通天一寸心。皓客固知成漢翼，甘盤終不到商霖。青螭百輩生何益，轉使英雄淚滿襟。

自從朱印翊元良，聖學磨礪日就將。嗜鮑豈容登門，俎剪桐爭肯戲主璋。經筵猶有八圖在，御座俄驚一鑑亡。卹典隆名雖寵渥，何如大政細平章。

棘闈尚記一窻隣，把酒論文情獨親。轍跡我猶循井絡，履聲公已上星辰。追思九鼎回天力，莫贖萬金憂圖身。老去驅車雙劍道，忍看高冢卧麒麟。

劍州志

詩餘

八

吊黃忠文墓

墓與靈芝寺近

無名氏

寶祐中作

唐興遲魏證，商治出甘盤。洗日明光炫，回天哲命寬。箴規三蔽盡，理亂八圖看。惆悵靈芝晚，松聲墮雪寒。

題大劍山

慕容百才

李勢非嶠虎，公孫是井蛙。聖朝無外戶，夷壤盡為家。疊嶂寧須鏟，亭鼓久廢撻。原鱗生駱谷，鈞駟入彭衙。關失千年壯，方表萬里遐。商淵盈瀕洞，使節徧谿衙。岑蔚誰驚鳥，豐茭自樂麋。烽屯開雨雪，樵爨老烟霞。帝德朝宗地，仙遊上漢槎。賞竒酬酒興，摘藻謝詩葩。

指走楓林葉，窻催柏燭花。山亭無刻漏，隱几待鳴鴉。

明

題劍州八景詩次盧雍元韻盧詩楊今失瞻

劍閣天險

萬丈削崖日月懸，昂頭只見一分天。蜀門鎖鑰秦函谷，不負謫仙詩一篇。

鶴鳴古刻

結對明皇反頌功，明皇流落亂離中。摩崖文字雖彫落，猶記漁陽膽氣雄。

劍州志

詩歸

五

聞溪水雷

汪洋奔入大江來，雨助狂瀾知幾回。走石瀉沙驚水怪，野人錯說是風雷。

五華晴嵐

五指屹然五弟兄，擎天摩日雨分明。雨雷纔向山頭過，蒼綠無涯處處生。

嘉陵月色

不斷長江悠更悠，隨波皓魄伏中流。清光蕩漾鏤金碧，萬里乾坤醉素秋。

龍洞靈湫

古洞潛龍畜碧湫，澄清救點此山幽。有時大旱作霖雨，可解三農凶歲憂。

漢陽霞綺

落霞彩色絢山頭，天際晴明宿雨收。不是劍南風景別，夕陽城外五雲流。

書崖夕照

尚書身後事成空，剩得兼山晚照紅。忠義琅琅塞劍閣，蘋蘩香祀豈能窮。

劍州志

詩銘

十

宿武連驛覺苑寺次陸放翁韻

盧 雍

野寺經行不用期，前朝賜額少人知。寺有宋時賜額回看陵

谷千年事長嘯，乾坤兩鬢絲。高閣雨來秋意早，短牆

雲度夕陰遲。鐘聲帶月催霜節，猶是山僧人定時。

重陽亭有序

前 名

唐大中間，劍州刺史蔣侑作重陽亭於東山。李商隱銘之，越二百餘歲，通判馬淵再建。吳師孟記為宋治平二年也。記謂溪山自古迄今，僅過二真賞。今以後庸知幾許年，復值其人，感慨深矣。紹興公

西有修之者記刻剝落不可考自是亭既圯李碑亦湮沒正德戊寅知州李璧即故址復新之掘土得唐刻雍按部至喜昔之圯者興湮者出表前賢遺跡以助溪山之勝師孟之所望者又四百餘歲而始值焉爰紀之以詩

鶴鳴峯翠合波光片石遺文發秘藏萬古溪山此亭子百年風日自重陽黃花儘肯留人醉白髮偏宜落帽狂今昔休論幾真賞吟餘雙劍倚天長

劍門道中

前名

劍州志

詩銘

士

行行劍門近漸覺險峻來芟樹披蒙翳汗馬陟崔嵬溪勇石如織鼓鑄留餘材高歌倚長劍東望如燕臺

宿劍門關

前名

童時侍親庭授我蜀道難長知慕劍客西望無羽翰
茲來劍門宿對酒月團圓山深夜間寂地迴氣清寒
一宿神猶怯再宿憂稍安六月無冰雪但覺衾裯單
昔賢多賦咏歲久石已剝一一為補錄雲州生毫端
我非君王命何由駕征鞍君親未能報中心百憂攢

劍門雜詩八首

前名

崖峻溪壑深林密徑路窄重關白日開一夫萬人敵
右題大劍山

崖壑如大劍僅見一線天草莽蛇虎窟行人敢攀緣
右題小劍山

蜀道天下難劍閣天下壯兩扁雄萬古夜夜光燭放
右題文燭堂

四賢生異代高祠重劍門後人思賢心不繫此樓存
右題思賢樓

劍州志

詩銘

全

寒流滴崖前濕雲迷洞口自是神龍宅豈曰逋逃藪
右題龍崖

蜀國利金牛五丁鑿山道道通取滅亡金玉信非寶
右題石牛道

古寺今荒涼禪師修道處山深虎豹多凡僧不敢住
右題誌公寺

招提劍峯頂險絕四無隣仙臺夜光發不見煉丹人
右題梁山寺

安樂泉銘

前名

劍州城西半里許有泉一泓，居民日用之所資者也。宋張璠隸書安樂泉三大字，刻石泉上，予而甘之，惜郡乘弗錄，為之銘。

劍陽之西峰岫，聯絡爰有寒泉，密邇城郭，居人攸終，井不待鑿，石鑿涓涓，四時不涸，其色澄鮮，其聲澗澗，喬水蔭流，雙幹聳壑，穹碑古隸，大書安樂，駐車泉旁，引杯深酌，其味孔嘉，其名不惡，我願我民，世享其滋，渴焉斯飲，熱焉斯濯，既安且樂，災咎弗作，泉不言利。

劍州志

詩格

三

其利且博，我銘章之，貞珉是托。

重陽亭次韻

李 璧

日射陰巖發紫光，登臨對酒問行藏，菊花應笑容顏老，杜實還驚日月陽，身因簿書終是俗，心隨鹿豕欲成狂，停車漫把塵纓濯，綠靜聞溪繞檻長。

題劍門

前 名

蜀門誰肇闢，渾沌自能神，秦詐金牛過，唐衰玉輦巡，水聲如弔古，草色自成春，設險關雙劍，時平且揆文。

兼山書院落成因示諸子

陳叔美

絃誦聞溪畔，文光皎日臨。帳開追白鹿，簪合重青氈。
院古松凝霧，窗虛草帶烟。兼山遺範在，更讀八圖篇。

題劍門關

易寬

一關高峙萬峯盤，遠客初驚蜀道難。猛虎長蛇疑隱見，
銛矛利戟闖巖岈。雲開錦繡青天近，雪積瓊瑤白日寒。
却笑英雄會據險，不知此地有奇觀。

寄題劍門

楊吉 關中人

披圖遙望劍門山，西蜀安危在此間。峻壁凌空開鳥

劍州志

詩銘

三

道飛梁綠閣，引重關。峰回雙劍青霄迴，鎖固三巴紫
塞閒。漫擬扶筇登絕巘，丹梯萬丈杳難攀。

遊重陽亭

姜漢 郡明經

幾年燈火宿重陽，瞬息光陰暑復涼。楊柳更嫌秋去老，
菊花尤喜晚來香。山高豈阻登臨客，竿泛偏多繾綣觴。
撫罷焦桐音未歇，一聲松響鶴鳴岡。

國朝詩

金城寺

喬鉢

江昏山氣黑，谷隱暮雲屯。斜磴前朝砌，橫橋近劫存。

岩花新發蕊，古栢未招魂。墓碣尋遺跡，荒唐難與論。

題廢田龍寺壁

前名

時來泥土竟是金身，時去金身依然泥土。試問菩薩金剛，那是本來面目。

題安樂泉

前名

當日琅璫過劍前，何安何樂號山泉。風流帝子多清事，只少楊妃手自煎。

題鄧艾廟

前名

陰平北望尚嵯峨，底事於今竟若何。漢祚已非曹氏

劍州志

詩錄

古

假將軍遺恨未消磨。

禱龍窟

詳見五子山

前名

觸藤入谷口，遂與人境絕。溪流導我轉，十步迷曲折。梅刺牽人衣，苔老怪石滑。欹崖突橫出，側立根已齧。逡巡未敢前，仰視愁崩壓。扶筇進二里，下上遭數跌。斜徑通山腰，陰巖繁蔭樾。櫛葉積何年，匍匐兩脛滅。草中聞滴瀝，不知為風穴。寒泉滃積沙，穴風吹凜冽。相戒勿擊敲，動則狂風發。再進徑忽窮，削壁垂十尺。俯窺足難容，條葛誰為設。攀縲次第墜，幽窞乃別闕。

冷氣襲人來，纔見老龍窟。窟上橫天橋，儼如峙魏闕。
其深不可入，對之心神慄。靈籟陰壑生，寧敢爲褻越。
雷經肅官儀，展拜精誠竭。

翠雲廊 有序

前名

自劍閣南至閬州，西至梓潼，三百餘里。明正德時，
知州李璧以石砌路兩旁，植栢數十萬，今皆合抱。
如蒼龍蜿蜒，莫不見口。鉢因題曰翠雲廊。且賦詩
云、

劍門路，崎嶇凹凸石頭路。兩行古栢植何人，三百長

劍州志



詩銘

圭

程十萬樹，翠雲廊。蒼烟護，苔花蔭。雨濕衣裳，四柯垂。
葉涼風度，無石不可眠。處處堪留句，龍蛇蜿蜒山纏。
互傳是昔年，李白夫。奇人怪事，教人妬。休稱蜀道難，
錯莫劍門路。

過劍門

王士禎

銅鶴香浮御闥溫，十年講幄奉君恩。此身未了詩中

画，細雨騎驢入劍門。

劍門歌

左 敦桐城人

大劍之山轟然起，北距劍州六十里。一山兩斷狀若

門秦蜀相通道由此我昔懷遊已有年巳丑冬杪始
着鞭途半望山山巍巍離奇天矯和雲烟既到山前
觀齒萃駭目驚心說不出况有李杜詩在碑小巫如
何更捉筆感彼友朋苦索歌勉强也爲君畧述蛇龍
之居誰敢集鬼斧劈劃森壁立大驅龍蛇走行人割
據紛紛真宰泣曲曲折折一線路入門出門八百步
雙崖對峙倚層霄懸瀑飛流冷下注林巒陰翳鬱蒼
蒼仰首青天訝日暮大劍溪疾怪不高谿水鑿石作
怒濤長風蕭颯哀猿嘯耳邊一片聲呼號山口陡峻

劍州志

詩銘

六

絕躋攀昔人踞狹立劍關梯空架木聳高閣一人拒
萬直等閒我想從古歷今幾千歲王者王稱帝者帝
恃此爲戶坐優游前有公孫後有劉李雄王建踵踐
位孟昶李順各窺伺王均吳曦明玉珍僭號紛紛何
容易須知地利不足藉具已之德當求脩公孫等輩
雖效尤何曾世世守梁州君不見小劍之山相與連
秦置金牛直幾錢蜀人貪賄弗顧國竟命五丁開山
川吁嗟乎蜀本無路可通秦鑿山成道迂秦人尚且
鑿山延禍及那有有門不得入又不見陰平之區焉

閣巖危峰巉削凌參井縣車束馬下江油何嘗有路
可馳騁古人以德不以險孟陽之銘宜猛省而今海
晏復河清嶽貢川珍樂太平太平有關昏晝開我與
白雲共去來奚必天險言崔嵬彼古羣雄安在哉

題劍閣

前名

夔門東制楚劍閣北當秦峭壁開天地陰崖立鬼神
窻高風力大雲濕蘚痕新不敢輕銘險吟詩弔古人

劍門讀碑

前名

李白詩碑雖未殘苔侵蘚蝕不能看可知苔蘚非無

劍州志

詩銘

七

意免得人吟蜀道難

登姜維城

前名

大劍山高接太清峭巖攀到上頭平當年後王已亡
國此地姜維尚守城南認五盤千仞合北開古驛夕
陽明壞墻幾歷滄桑變惆悵春風草又生

冬日循龍泉澗尋安樂泉

張鐸

經霜落葉破林飛轉徑持竿上釣磯安樂水甘時到
客龍泉澗冷欲添衣當年輦跡迷衰草今日芳名著
翠微古刻尚多苔蘚蝕月明仔細認依稀

丙午九月過劍門

簡州薛祿天 江南無

憶讀謫僊蜀道難，未曾身到先膽寒。猛虎跳嘯崖谷裂，猩風森凜長蛇盤。吁嗟兮，劍閣之崔嵬，昔人先我驚巖岫。我年三十宰長邑，始經飛棧連雲之巉巖。猶幸蚕叢路方半，舟楫可通解征鞍。秩滿入朝歷劍道，大劍小劍簇雲端。一過劍閣十年恟，十年後又來陽安。往返三過心已灰，况遭讒毀憂難寬。吁嗟兮，大地盡羊腸，何必此地愁漫漫。不如拔劍斫其鞭，斷其輓，驅車不可前。跨鞍不可發，讀書閉戶忘長年。任爾劍

劍州志

詩餘

六

峰白突岫

過劍門

新集王霖 江南上元人

劍閣崔巍一徑通，躋攀百級勢凌空。層巒矗峙皆朝北，萬壑奔流盡赴東。自古英雄憑地險，于今玉帛慶天中。捫碑漫掃殘苔讀，李杜詩名孰與同。

臘月十六日早雪過劍門 江由彭 卮 江南溧陽人

旬日連雲歲欲殘，劍門曉度雪漫漫。勢驚地險兼天險，時值山寒共水寒。昔閱輿愁蜀道，今臨傑閣望長安。不堪憑吊傷懷抱，且索梅花一笑看。

過劍門途中見早梅

前名

劍閣寒雲鎖未開，清香何處暗浮來。
山靈應識春風近，先放南枝點點梅。

暮宿武連驛和陸放翁宿武連縣韻 前名

捧檄過行慮後期，暮投古驛路難知。
山嵐濃障天邊月，臘雪新添鬢上絲。
沽酒村醪愁卜醉，寒窗爐火煖生遲。
放翁漫嘆功名薄，吾更馳驅非少時。

過劍關懷諸葛武侯

遵義人 趙挺元 山人

奇險天開夏日寒，武侯蒼柏蔭岡巒。
壁高萬仞形如

劍州志

詩節

九

削磴繞千層，勢若盤在昔。兵屯原有筭，詎知毡裘出。
無端蒼穹不欲延，炎漢懷古臨風鼻也酸。

劍關懷古

灌縣令 譚 璉 廣東人

立馬重門上，雙鐮倚碧蒼。雲迷千仞拔，鏑照萬山光。
戶外分秦蜀，關中幾霸王。原來天設險，誰作一夫當。

劍關懷古

成都令 王紹文 德水人

劍關如劍指長空，呼吸應教帝座通。
地簇銘鐘絕鳥道，天開奇險障蠶叢。
廟謨底事忘多筭，兵法山來守不攻。
恨殺關頭西北望，陰平草色太蒙戎。

劍閣

俞都

當關一騎萬夫勝，故壘于今牧豎登。劍外更無憑險，
戍閣中却有捨茶僧。

劍關

李梅賓

飛棧連雲接劍山，馬蹄直踏白雲間。摩空雙鶴高千
丈，雄鎖巴西第一關。

安樂泉

前名

一勺城西安樂泉，佳名錫自大唐年。殘碑剝落蒼苔
續，老樹蒼葱蔓連乳。水汲將活火，煮蒙山摘其露。

劍州志

詩格

二

芽煎品題幸遇明皇賞，千古清流石罅邊。

泮池落成

前名

菁菁多士列黌庠，芹藻從今漸吐芳。他日翩躚藜閣
上，當年至止泮宮旁。願如國學園橋盛，敢嗣文翁石
室香。地接卧龍看毓秀，更教澄碧映奎光。

題劍州八景廣盧雍韻為五言律八首

劍閣天險

前名

劍閣稱天險，兩峯高倚天。雲行疑障隔，鳥度亦盤旋。
虎踞長蛇伏，樑飛架木懸。驚心兼動魄，李杜兩詩篇。

鶴鳴古刻

前名

漁陽鼙鼓發龍馭，逐征鴻。六旅摧強黠，兩京復大同。
上皇回故國，元結頌神功。欲識當時事，鶴鳴白刻中。

聞溪水雷

前名

我愛聞溪水源頭活潑來，弄琴彈雪靈佈鼓發風雷。
聲勢群山應波濤，巨浪催奔騰江口去。襄漢共潑澗。

五華晴嵐

前名

照眼五峯簇，嵐光潑翠明。晴風霏雪捲，曉日漾烟輕。
娟娟春前艷，孤高秋後清。更宜初雨霽，登眺暢芳情。

劍州志

詩銘

三

嘉陵月色

前名

皎皎天邊月，悠悠江水流。水流明月住，月落大江幽。
造物常無盡，人生得幾遊。嘉陵江上月，光景自千秋。

龍洞靈秋

前名

滄海蛟龍窟，飛騰得自由。那知斯古洞，亦自有靈湫。
神物能伸屈，潛身警浪游。風雲一旦會，霖雨遍神州。

漢陽霞綺

前名

明霞爛若綺，閃爍射雙眸。宿雨霏初歇，夕陽天際頭。
鳳文疑莫比，翟羽自難儔。吟眺情何極，奚囊一壺收。

書崖夕照

前名

廟廊欽大節，岩壑緬高風。留得書崖跡，長看夕照紅。
歸雲穿樹杪，宿鳥鬧林中。萬古兼山峙，餘暉共不窮。

安樂泉懷古

楊端

霓裳歡舞一朝休，疋馬琅璫過劍州。憶昔已無人共
飲，到今唯有水空流。陰巖雲暗泉聲冷，野徑花深苔
色幽。樵子不知興廢感，荷薪歌唱自悠悠。

來青閣

前名

來青閣廢草萋萋，碧水空流檻外溪。見說當年歌舞

劍州志

詩銘

三

地，於今唯聽子規啼。

昔年簪笏已成空，半畝園荒蔓草中。多少興隆何處
盡，柳條孤照夕陽紅。

登劍閣

前名

竒險舊知名，登臨滿目驚。峭巖縣日月，虛閣失陰晴。
幾歷滄桑變，空留鳥雀聲。不知鍾鄧輩，辛苦為誰爭。

孤玉山弔魏征西將軍鄧艾墓 前名

蒼蒼樹色碧氤氳，孤玉山頭弔古墳。有智獨能收蜀
漢，無成空自惜將軍。千年怨氣迷春草，三國雄圖剩

夕曛遙望陰平潛入處，戍樓烟起結愁雲。

遊劍閣

前名

劍山高矗聳雲中，兩扇平分曲徑通。鬼斧劈開千仞壁，石城斜阻一溪風。猿啼樹裏聲聲應，葉落崖邊片片紅。閣上幾回搔首望，時寧唯喜戍樓空。

姜維城

前名

繞崖攀上峭峯頭，故壘荒涼剩二丘。伯約還兵保劍閣，魏人裹馬下江油。可知險阻難摧敵，早是天心不許劉。征戰事隨流水盡，廢墻殘瓦不勝愁。

劍州志

詩銘

三

武連驛遊覺苑寺次陸放翁韻 前名

年來幽境共誰期，山徑唯應野老知。溪帶暮烟渾似浪，柳翻新綠欲成絲。苔斑蝕碣留文瘦，藤蔓欺人引步遲。一自盧公重味後，禪關寂靜幾多時。

紫霄觀懷素碑

前名

駕鶴轟長空，紫霄枕山麓。石壁古遺文，依稀猶可讀。傳是懷素書，離奇照岩谷。缺畫走龍蛇，應使神鬼哭。師去已多年，書法誰堪續。大都與世人，輕難愛野鶩。何事眉山公，長歌譏兩禿。只此狀林巒，勝彼書裙幅。

石劍

前名

碧池方丈水溶溶，劍石稜稜獨露鋒。快擬元言能切玉，光連牛斗欲成龍。天生利器何須冶，等遇盤根自可攻。酒後興狂思一舞，幾聞庠職又從容。

泮池落成紀事

前名

幾日工夫斲草萊，一朝碧沼豁然開。利鋤不用深深掘，活水能緩緩來。漸覺芹香溢，剛露會逢鯉化躍。春雷鳳凰池上，絲綸客舍此無從。別問媒。

疊前韻

前名

劍州志

詩銘

前名

嶮然三島肖蓬萊，頓覺黌宮景象開。終夜不教明月去，一春時送好花來。眼前便是有源水，平地何難起震雷。此去南溟無遠路，憑將利濟作梯媒。

再疊前韻

前名

曾看此地雜蒿萊，半辟於今似鏡開。漾日每留雲影住，濯纓寧許外人來。香風時送三秋桂，潛鯉常聽二月雷。寄語菁莪須着眼，等閒尺水是良媒。

雲起觀

前名

鍊丹人何往，山門鎮日開。遠看雲起處，不見鶴飛來。

野鼠眠丹竈，陰廊繡綠苔。是誰舊題句，剝落已難猜。
題鬢宮桂樹
前名

何年月中子，移種近宮墻。不博嬋娟愛，常親俎豆光。
丹心滋雨露，辣性飽風霜。爲報小山隱，乘時折阜芳。

兼山書院落成紀事五首
前名

伊洛淵源得最真，經筵幸得展經綸。生逢僞學初興日，力薦當時第一人。各與劍山同屹屹，事傳青史未沉淪。須知樂善推賢意，不比區區社稷臣。

翊善會傳師友兼，承恩時賜水精鹽。大星不向杭州

劍州志

詩銘

三

隕僞學應無紹，聖嚴進德八圖類。啟沃格君三蔽，砥針砭更憐。臨沒憂朝政，遺表慇懃口自占。

文章道德兩輝光，自宋傳明失表彰。李璧不經來劍閣，延平應獨著黃裳。墓門古栢陰猶覆，城北孤祠跡已荒。二百年來銷歇事，問誰曾一念蒸嘗。

昔年策蹇走通江，曾記城西訪舊堂。作尉已無人姓宋，題詩空有客思黃。壁山想像經行處，諾水長流翰墨香。一自別來今九載，幾回回首向東望。

兼山書院久荒蕪，此日重逢李白夫。不是倚君崇祀

謝知劍... 山... 加規模

山

別名

曾以... 分明似此山... 巨靈踏水... 有力人間天光淡蕩芙蓉冷... 影去善... 乾開... 力... 峰巒秀... 何如五指名... 羣... 顏

鄧州志

詩

美

